

# Szlabikorz po naszymu

Data publikacji: 21.03.2022 13:00

Pierwsza zbiórka była rekordy popularności. Teraz pochodzący z Kończyc Małych Tomek Sochacki a właściwie jak sam pisz o sobie Tómek Sochacki, zbiera pieniądze na kolejną książkę, tym razem chce pozyskać pieniądze wydanie Elementarza gwary cieszyńskiej i wierszy po naszymu



Projekt okładki książki

*Moji Rostomili,*

*Na ściepce (zrzutce) zbiyrom grejcarey, coby wydać Szlabikorz naszej cieszyńskij rzeczy a wiersze po naszymu, coch jich pisał jakisik czas. Wszystko to bydzie w jednej ksióńdze a móm už na to 1360 złotych. Wszystkim wóm przeogrómnie dziynkujym za każdy grosz. Wiym, zech tóm śpiepke zrobił w czasie, kiej każdy dwa abo trzy razy pinióndz w rynce przekulo niż nim zapłaci. Takich ciulatyh czasów my dożyli. Muszym tak szpatnie rzyc, bo to co sie dokoła robi to je na isto sumeryja. A eszcze ta wojna a ludzie, co sie cisnóm do nas, bo uciekajóm przed wojnóm, nó ni ma to żodno sranda. Jak zech wydowoł piyrszóm ksióńdze to było ganc inakszy, bo hned zech nazbiyroł tela, coby mi drukarnia zrobiła sto ksióńzek a wartko zech jich zacznóm wszystkim rozdować a posyłać po całej Cieszyńskij Ziymy, po jednej a po drugij strónie Olzy. Teraz je tak, że kupa ludzi póмого tym, co uciekajóm przed wojnóm a eszcze bynzina a nafta stoi tela, że niż sie zapuści auto, to se człowiek raczy pomysli kany rajzować. A ku tymu jodło w kónzumie je drogi jak cyp a eletryka, woda a gaz to sie už żodyn raczy nie dziwo na ty rachunki, bo to człowiek może zgupnónć. Ale jednako na ściepce grejcarey sóm, tóż dziynka piekne, ale jak możecie to eszcze tak cosik wciepcie. Ta ksióńzka to bydzie Szlabikorz a wiersze po naszymu. Gor mi idzie o tyn Szlabikorz, bo z tego sie baji każdy Polok dozwyi, jako sie rzóndzi po naszymu. A tyn, co poradzi fulać, abo drzistać se możne spómni, cosik mało wiela. A wiersze, sóm napisane do rymu, tak oto lachko po naszymu. Pyty wciepcie tam na zrzutke cosik mało wiela, bo to chcym wydać a to bydzie ksióńzka, co sie jóm bydzie fajnie czytać, z fotografijami z hań downych czasów. Rostomili, jo wiym zech oto niedowno napisoł cosik o tej wojnie, co je na Ukrainie, ale to je to co se o tym myślym a Pónbóczku opatruj cobyh był ruskim trolym. Rusów móm rod Ukrańców też, ale ludzi, tych obyczajnych a nie poliyków. Rostomili, jak chcecie mieć dóma Szlabikorz naszej rzeczy a wiersze po naszymu pospołu w jednej ksióńdze to pyty ciepniycie jakisik grosz na ściepke. Bez Waszej pó mocy tego nie wydóm a robiym to nie dlo siebie, ale dlo tych co przidóm po nas.*

*Tómek Sochacki*

Link do zrzutki:<https://zrzutka.pl/rkvr3k>